

Kvinnherad Kommune
v/ Ordførar Peder Sjø Slettebø
5470 Rosendal

Rosendal 30.10.2015

Tannhelsetenesta i indre luten av Kvinnherad

Det er med stor uro vi Rosendal Helselag ser på dei konsekvensane som nedlegging av tannhelsetilbodet i Rosendalsområdet vil føra til, spesielt for unge og gamle .

Etter det vi kjenner til vil noverande tannlegekontor i Rosendal bli stengt frå førstkomande årsskifte. Dette vil føra til at born/unge, eldre på institusjon/ og under tilsyn av heimetenesta, vil få ein problematisk tilgang til ein lovheimla rett. Vi hadde håpa på at det ville bli gitt eit tannhelsetilbod på den nye sjukeheimen i Rosendal, men etter de vi forstår er dette problematisk. Vi vil be om at dette blir vurdert på ny, men skulle ikkje dette vera praktisk mogleg å få til, så må noverande tannlækjarkontor i Rosendal bli oppretthalde.

Den generelle helsetilstanden varierer for alle i samfunnet. Mat og helse henge nøye saman. For dei eldre blir det sers viktig å sjå til at tannhelsa er god slik at den generelle helsesituasjonen blir så bra som mogleg. I alle samanheng må ein ta omsyn til økonomi og då kan dette lett føra til at ein tur til Husnes m/følgje blir så dyr at den må nedprioriterast. Har vi kontoret i noverande lokale vil det både økonomisk og tidsmessig vera å føretrekkja. Ordninga vil også føra til ei mindre belastning for dei gamle og at skuleborna får tenesta i gangavstand.

Vi vil på det sterkaste be Kvinnherad kommune ta saka opp med Hordaland fylkeskommune og be om å få behalda noverande ordning med lokale i Rosendal. For seinare å flytta tenesta til den nye helseheimen i Rosendal.

Dette er ei hastesak og med den bakgrunn ber vi om snarleg handsaming.

Rosendal Helselag
Berit Marken
leiar

Kopi til: Medlemmane i formannskapet
Fylkestingsrepresentantane frå Kvinnherad